

«Զգեցէք որ մանուկները ինծի գան, արգելք մի՛ ըլլաք անոնց,  
որովհետեւ այդպիսիներուն է Աստուծոյ արքայութիւնը» Մարկոս 10.14

# Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ



# Մաշտոցի Արձագանգ

ՓԵ տարի  
**2008**

Տարեկան ժողովածու

## Բովանդակություն

- Ինքնանորոգման առիթ Շաղիկ Պոյաճեան
  
- Խօսք Հովիւի եւ հոգաբարձութեան Տէր Գառնիկ քհնյ. Գոյունեան
  
- Շնորհաւորագիր Ղեւոնդ Աբղ. Բենդէզեան  
Վարիշ Տնօրէն՝  
Հայաստանեայց Եկեղեցւոյ  
Կիրակնօրեայ Դպրոցներու
  
- Մեր խօսքը Տնօրէն եւ ուսուցչական կազմ
  
- **www.sourphagop.org** ը թիւերով
  
- Հակիրճ տեղեկութիւններ 2007-2008 Տարեշրջանի մասին
  
- Ձեռնարկներ եւ արտադասարանային աշխատանքներ ժամանակագրական շարքով

Խմբագրական

## Ինքնանորոգման առիթ

2008 թուականի Յունիս ամսուան ժամանումով վերջ կը գտնէ «Մաշտոցի Արձագանգ»-ի հրատարակման տասներհինգերորդ տարին ու լոյս կը տեսնէ մեր տարեկան ժողովածուն: Այս հրատարակութիւնը կու գայ ամփոփել ամբողջ տարուան մը աշխատանքը, մէկտեղելով ամսական տասը թիւեր, նոյն ատեն հանրութեան ներկայացնելով Կիրակնօրեայ դպրոցի տարեկան տեղեկատուն, ինչպէս նաեւ այլ բացառիկ գրութիւններ ու յօդուածներ:

Հաւատարիմ մնալով իր սկզբնական եւ գլխաւոր կոչումին, «Մաշտոցի Արձագանգ»-ը շարունակեց հանրութեան հրամցուիլ իբրեւ ժողովրդական ամսաթերթ, գլխաւոր նիւթ ունենալով Հայաստանեայց եկեղեցույ տօներն ու անոր յարակից նիւթեր, Սուրբ Գիրքի հետ ծանօթացումը, ինչպէս նաեւ մանկապատանեկան կրօնական գիտելիքներն ու ընթերցումները: Յարգուեցաւ խմբագրական կազմին կողմէ հաստատուած ամսական դրութիւնը, ու կանոնաւորութեամբ լոյս տեսան մեր տասը թիւերէն իւրաքանչիւրը: Անոնց սփրումը ե՛ւս կատարուեցաւ նոյնքան կանոնաւորութեամբ ու արձանագրեց հաստատ ան: Մարտահրաւերներու տասներհինգերորդ տարի մըն է որ կ'աւարտի այս ամիս: Զանազան դժուարութիւններու առջեւ կը գտնուի խմբագրական կազմս իւրաքանչիւր ամիս, եւ այդ դժուարութեանց յաղթահարման միակ լուծումը կը հանդիսանայ մեր հաւատարիմ ընթերցողներուն հանդէպ մեր նուիրումը: Փոխադարձ հաւատարմութեան արժէքով մը մղուած, «Մաշտոցի Արձագանգ»-ը կը յաջողի հրատարակուիլ կանոնաւորապէս զանազան տեսակի սահմանափակումներով հանդերձ:

Մարտահրաւերները սակայն կը մնան միշտ ներկայ եւ ամառնային արձակուրդը կը նկատենք ըլլալ ո՛չ միայն հանգիստի ու դադարի արդար առիթ, այլ նաեւ եւ մանաւա՛նդ յարգի եւ շինիչ ինքնաքննարկման շրջան: Նոր գաղափարներու յղացման եղանակն է ամառը, վերակազմակերպութեան, յաջորդ տարուան հրատարակութիւններու հասցէին նախապատրաստութիւններու եւ որոշումներու:

Այս տարի, մեր մտածումները պարտին կեդրոնանալ երկու յատուկ մարտահրաւեր- հարցականներու շուրջ որոնք ամբողջ տարուան ընթացքին ներկայ մնացին մեր աշխատանքի կողքին ու արժանի են այժմ իւրայատուկ ուշադրութեան: Անոնք են նիւթերու վերանորոգում եւ յօդուածագիր

գործակիցներու խմբակի զարգացում: Ի՞նչ նիւթեր պիտի արժարծուին յաջորդ տարի մեր էջերէն ներս, ի՞նչ նիւթերու տեղ պիտի տրուի մեր ամսաթերթին մէջ: Ի՞նչ նոր ոճ կամ ներկայացման ձեւ կարելի է կիրառել վերանորոգելու ու բարեփոխելու համար թէ՛ մեր նիւթերը եւ թէ՛ անոնց ներկայացման ձեւը: Իսկ ովքե՞ր կարող են մեզի օգտակար դառնալ իրենց գաղափարներով, գրութիւններով կամ այլ կարգի ներդրումով:

Երկու ամիսներու վրայ երկարող ամառնային դադարը կը յուսանք լիապէս օգտագործել իբրեւ առիթ այսպիսի հարցականներու ուսումնասիրման համար: Կը մնանք յոյսով որ հարցադրումները ամբողջանան գոհացուցիչ պատասխաններով եւ լուծումներով ու մենք զիրար վերստին ընթեռնենք, սիրելիներ, վերանորոգուած եռանդով եւ խանդավառութեամբ:

Բարի արձակուրդ ձեր բոլորին եւ անգամ մը եւս, շնորհակալութիւն ձեր հաւատարմութեան ու կանոնաւոր հետեւողականութեան համար:

Շաղիկ Պոյաճեան

## Խօսք Հովիտի եւ Հոգաբարձութեան

Երկուշաբթի, 12 Մայիս, 2008

Մոնթրէալ

Սիրելի Տնօրէնութիւն, Ուսուցչական Կազմ, Աշակերտ-Աշակերտուհիներ  
Եւ Ծնողքներ,  
Աստ,

Սիրելիք,

Այս տարի մեր համայնքին 50-ամեակն է: Յիսուն տարիներ առաջ Մոնթրէալի Սէն Զօթիք թաղամասին մէջ սկսաւ անիկա: Եւ առաջին օրէն, ազգային երազները իր հորիզոնին՝ նպատակադրեց կրօնական եւ կրթական առաքելութեան նուիրել ինքզինք:

1959 Սեպտեմբերին կը սկսէր Ծաբաթօրեայ մեր դպրոցը: Եւ նկատի ունենալով, որ այն օրերու Գործադիր Մարմինին (այսպէս կը կոչուէր Հոգաբարձութիւնը) ծրագիրն էր Կրօնքի դասաւանդութեան համար Կիրակին ունենալ, ուստի կրօնքը կը դասաւանդուէր նախքան եկեղեցական արարողութիւնը, որպէսզի աշակերտ-աշակերտուհիները իրենց ծնողներուն հետ եկեղեցի մտնէին, եւ մասնակցէին: Այսպէս պիտի զարգանար Հայեցի Դաստիարակութիւնը՝ մինչեւ 1962-1963-ի տարեշրջանին աւարտը: Յաջորդ տարեշրջանին, Կիրակնօրեայ կրօնքի դասաւանդութիւնը պիտի ներառուէր Ծաբաթօրեայի կրթական ծրագրին մէջ, եւ Կիրակնօրեայ ուսուցումը դադրէր: Զուտ կրօնական Կիրակնօրեայ կրթարանի երազը համայնքէս ներս պիտի իրականանար 1980-ի Սեպտեմբերին: Ու այն թուականէն ստիւն Ս. Յակոբի Կիրակնօրեան իր ծառայութիւնը շարունակականօրէն կը բերէ եւ պիտի բերէ՝ Աստուծոյ փառքին, եւ մեր մատղաշ սերունդի հոգեւոր պայծառացման համար: Մեծ զոհողութեամբ է, որ Տնօրէնութիւն եւ Ուսուցչական Կազմ այս ծառայութիւնը անսակարկ կը կատարեն: Բիւր յարգանք իրենց նուիրումին:

Ինչպէս տեղեակ էք, Մեծի Տանն Կիլիկիոյ Վեհափառ Հայրապետը՝ Ն. Ս. Օ. Տ. Տ. Արամ Ա. Կաթողիկոս 2008 թուականը «Քրիստոնէական Դաստիարակութեան Տարի» հռչակեց: Իր Կոնդակին մէջ Կիրակնօրեաներուն առնչութեամբ հետեւեալը գրած է Վեհափառը. «Կիրակնօրեայ վարժարաններու ներկայ ցանցը անհրաժեշտօրէն կարիքը ունի վերաշխուժացման: Այս մարզէն

Ուրա աշակերտութեան թիւի նուազում եւ ընդհանուր հետաքրքրութեան պակաս մը կը նշմարենք: Կիրակնօրեայ վարժարանին դերը անփոխարինելի է, որպէս ամբողջացուցիչ ընտանիքի ու դպրոցի կողմէ ջամբուող Կրօնական դաստիարակութեան: Մեր սպասումն է, որ մեր թեմերը վերակազմակերպումի ենթարկեն եկեղեցիներու ու դպրոցներու կողքին գործող Կիրակնօրեայ վարժարանները: Մեր հայրական ջերմ թելադրանքն է, որ մեր ծնողները իրենց զաւակները եւ դպրոցները իրենց աշակերտները առաջնորդեն Կիրակնօրեայ վարժարան»: Հայրապետի սպասումին դրականօրէն եւ գործնապէս պատասխանելով՝ այս 50-ամեայ համայնքին ներքին ուժը վերանորոգած պիտի ըլլանք:

Հովիւ Եւ Հոգաբարձութիւն  
Ս. Յակոբ Առաջնորդանիստ Մայր Եկեղեցու

**Շ Ն Ո Ր Հ Ա Ի Ո Ր Ա Պ Ի Ր**  
**ՍՈՒՐԲ ՅԱԿՈԲ ԵԿԵՂԵՑԻՈՅ ԿԻՐԱԿՆՕՐԵԱՅ ԴՊՐՈՑԻՆ**  
**ՍՈՆԹՐԵԱԼ - ԳԱՆԱՏԱ**

Մեծ ուրախութեամբ ստացայ ձեր ղրկած նամակը, ուր կը յայտնէք Գանատայի, Մոնթրեալ քաղաքի Ս. Յակոբ եկեղեցւոյ Կիրակնօրեայ Դպրոցին 28-րդ, անոր պարբերաթերթին՝ «Մաշտոցի Արձագանգ»ին 15-րդ եւ կայքէջին 7-րդ տարեդարձերուն նշման մասին:

Վստահաբար դիւրին չեղաւ այս ճամբան ձեզի համար, ինչպէս դիւրին չեղաւ մեր հայրերուն համար, որոնք տեսիլքը իրենց աչքերուն, նոր սերունդի դաստիարակութեան ի խնդիր, ամէն ջանք ի գործ դրին, հայ դպրոցի կողքին, Կիրակնօրեայ Վարժարաններով կրօնական դաստիարակութիւն ջանքելու հայ մանուկին:

Մեծի Տանն Կիլիկիոյ Կաթողիկոսութեան առաքելութեան ամէնէն կենսական երեսներէն մէկն է այս, որ իր հաստատումէն մինչեւ այսօր Ս. Աթոռոյս բոլոր հայրապետներուն խնամքին ու հոգածութեան առարկան դարձած է: Այս է նաեւ Ս. Աթոռոյս արժանընտիր Գահակալ Ն.Ս.Օ.Տ.Տ. Արամ Ա. Կաթողիկոսի պատուէրը բոլորիս, որուն առաւել մղում տուաւ Նորին Սուրբ Օծութիւնը, 2008 տարին հռչակելով «Քրիստոնէական Դաստիարակութեան Տարի»:

Քրիստոսի մտածողութեան եւ իր ուսուցումներուն ու երկնատուր պատգամներուն մէջ, յատուկ շեշտ մը կայ, դրուած մանուկներուն վրայ: Մանուկը, Յիսուսի հայեցողութեամբ այն տիպարն է, որուն նմանելով միայն կրնանք ժառանգել Աստուծոյ Արքայութիւնը (հմմտ Ստ 18. 3): Անոր հոգին այն պարարտ հողն է, ուր իյնալով սերմնացանին բարի սերմերը, կը միաձուլուին անոր անմեղ հոգիին հետ, մէկի տեղ երեսուն, վաթսուն եւ հարիւր արդիւնք կու տան:

Ահաւասիկ 28 տարիներ անցան այն օրէն, երբ Գանատայի Հայոց Թեմի Ս. Յակոբ Մայր եկեղեցւոյ այգեստանին մէջ, Կիրակնօրեայ մեր Վարժարանը ծաղկեցաւ: Այս Կիրակնօրեային միջոցաւ, Քրիստոսի սիրոյ եւ քրիստոնէական դաստիարակութեան բարի սերմերը սկսան աճիլ մատղաշ սրտերու մէջ, ուր անընդհատ ջրտուք կը կատարուի նուիրեալ անձերու կողմէ, որպէսզի հայ եկեղեցւոյ հաւատքը աճի:



Սրտանց կը շնորհաւորեմ ձեզ, այս երեք ամեակներու արժանաւորապէս նշման առիթով, որ յաջողութիւն մըն է, անկասկած, Կիրակնօրեայ մեր Մեծ Ընտանիքին համար: Կը շնորհաւորեմ դպրոցին տեսչութիւնը, ուսուցչական կազմը եւ աշակերտութիւնը, ինչպէս նաեւ, «Մաշտոցի Արձագանգ» պարբերաթերթին եւ կայքէջին խմբագրական կազմերը:

Այս պահուն, աղօթքս ձեր աղօթքին կը միացնեմ, եւ անուշաբոյր խունկի նման զայն կը բարձրացնեմ առ Աստուած, որպէսզի օրինէ եւ պահէ Հայաստանեայց եկեղեցւոյ Կիրակնօրեայ Վարժարանները եւ մանաւանդ Սոնթրալի Ս. Յակոբ եկեղեցւոյ Կիրակնօրեայ Վարժարանը: Թող Աստուած իր երկնառատ պարգեւներով հարստացնէ նաեւ ձեր բոլորը, քրիստոնէական շունչով ու մեր հայրերու սուրբ հաւատքով վերանորոգէ ձեր կեանքը, որպէսզի Աստուածաշունչի պատգամներով ու մեր եկեղեցւոյ սուրբ աւանդութեամբ լեցուած յառաջ երթաք, ի պայծառութիւն Հայաստանեայց եկեղեցւոյ, եւ ի յաւերժացումն ազգիս հայոց:

Աղօթարար

Ղեւոնդ Աղ. Բենուզեան  
Վարիչ Տնօրէն Կիրակնօրեայ Դպրոցներու





## ՄԵՐ ԽՕՍՔԸ

Փառք կու տանք Աստուծոյ, որ այս տարի եւս կրցանք Կիրակնօրեայ Դպրոց ունենալ եւ աւարտել մեր 28րդ տարեշրջանը: Այս տարի նաեւ 15րդ տարեդարձն է մեր ամսաթերթին՝ «Մաշտոցի Արձագանգ»ին եւ անցեալ Սուրբ Յակոբի տօնի օրը՝ Դեկտեմբեր 2007 ին տօնեցինք մեր Կայքէջին՝ [www.sourphagop.org](http://www.sourphagop.org) ին, 7րդ տարեդարձը:

«Զգեցէք որ մանուկները ինծի գան, արգելք մի՛ ըլլաք անոնց, որովհետեւ այդպիսիներուն է Աստուծոյ արքայութիւնը»

Յիսուս Քրիստոսի արտասանած խօսքերը, որոնք Հայաստանեայց եկեղեցւոյ Կիրակնօրեայ Դպրոցներու նշանաբանն են, կը մնան հիմը մեր եկեղեցւոյ պայծառութեան: Այն եկեղեցիները որոնց մանուկները արգելքներ ունին երթալու Յիսուսի, դատապարտուած են պարպուելու: Յիսուսի այս խօսքերը պէտք է ըլլան հիմը Հայաստանեայց Եկեղեցւոյ մտապատկերին (vision), նամանաւանդ Հիւսիսային Ամերիկայի մէջ:

### [www.sourphagop.org](http://www.sourphagop.org) –ը 7 տարեկան:

Մեր այս տարուան դպրոցական տարեշրջանի ընթացքին մեր կայքէջը, [www.sourphagop.org](http://www.sourphagop.org) ը տօնեց իր 7-ամեակը եւ շարունակեց ծաւալիլ: Հասաւ 110 երկիրներու 1,724 քաղաքները, եւ ամսական դրութեամբ ունեցաւ 6,000-է աւելի այցելութիւններ: Մեր կայքէջին ամենէն մեծ արժէքը անոր 99% տոկոսով Արեւմտահայերէնով ըլլալը եւ կամաւոր խմբակի մը անսակարկ աշխատանքին շնորհիւ գոյութիւն ունենալն է: Մարդուժի եւ պիտճէի սահմանափակ մեր կարողութիւնները նկատի առնելով մեր կատարած գործը օրինակ պէտք է հանդիսանայ ուրիշ անհատներու եւ հաստատութիւններու որոնք հայապահպանումով, արեւմտահայերէնով եւ կամ Քրիստոնէական Դաստիարակութեամբ հետաքրքրուած են:

### «Մաշտոցի Արձագանգ» ի 15-ամեակ:

Մեր այս դպրոցական տարուան ընթացքին հրատարակեցինք նաեւ մեր ամսաթերթը 15րդ տարին ըլլալով եւ մեր կայքէջի ծաւալումով, ծաւալեցաւ նաեւ մեր ամսաթերթի կարդացողներուն թիւը: «Մաշտոցի Արձագանգ»-ի միջոցաւ, այս տարի եւս արեւմտահայերէնով 166 քրիստոնէական դաստիարակութիւն ջամբող էջեր աւելցուցինք համացանցին վրայ:

### Աշակերտութեան թիւի նուազում:

Այս տարուան ընթացքին արձանագրուած մեր աշակերտներուն թիւը 53 էր, եւ իւրաքանչիւր Կիրակի օրուան միջին ներկայութիւնը 35: Այս երկու թիւերը յաջորդաբար 40% եւ 30% նուազում արձանագրած են բաղդատուած մեր անցեալ տարուան թիւին: Եկեղեցին ընդհանրապէս շատ աշխատանք պէտք է կատարէ

բազմացնելու համար Կիրակնօրեայ դպրոցի աշակերտներուն թիւը որպէսզի մեր աշակերտները, իրենք ալ իրենց կարգին, ապագային աւելցնեն եկեղեցի յաճախողներուն թիւը:

### Ինքնանորոգում:

Այն հաստատութիւնները որոնք ժամանակ չեն տրամադրեր իրենք զիրենք նորոգելու, կը լճանան: Նկատելով որ Կիրակնօրեայ Դպրոցը կը գոյատեւէ կամաւոր աշխատողներով, պայման է որ իւրաքանչիւր տարի նոր արիւն եւ նոր կամաւորներ աւելնան այս գործին որպէսզի թեթեւցնեն մեր բեռը: Սակայն, «Հունձքը առատ է, բայց մշակները՝ քիչ. հետեւաբար խնդրեցէք հունձքի Տիրոջմէն, որ իր հունձքին համար մշակներ պատրաստէ եւ ղրկէ:»

### Քրիստոնէական Դաստիարակութեան Տարի:

Ինչպէս տեղեակ էք, Մեծի Տանն Կիլիկիոյ Վեհափառ Հայրապետը՝ Ն. Ս. Օ. Տ. Տ. Արամ Ա. Կաթողիկոս 2008 թուականը «Քրիստոնէական Դաստիարակութեան Տարի» հռչակեց եւ Իր Կոնդակին մէջ գրեց նաեւ Կիրակնօրեաներու առնչութեամբ: Վեհափառ Հայրապետը ունի:

Սպասում : Որ մեր թեմերը վերակազմակերպումի ենթարկեն եկեղեցիներու ու դպրոցներու կողքին գործող Կիրակնօրեայ վարժարանները:

Ա. Թելադրանք: Որ մեր ծնողները իրենց զաւակները առաջնորդեն Կիրակնօրեայ վարժարան:

Բ. Թելադրանք: Որ դպրոցները իրենց աշակերտները առաջնորդեն Կիրակնօրեայ վարժարան:

Մեր եկեղեցոյ Հովին ու Հոգաբարձութիւնը իրենց խօսքին մէջ անդրադառնալով Վեհափառ Հայրապետի Կոնդակին գրեցին



«Հայրապետի սպասումին դրականօրէն եւ գործնապէս պատասխանելով՝ այս 50-ամեայ համայնքին ներքին ուժը վերանորոգած պիտի ըլլանք:»

Մենք ալ մեր կարգին, Կիրակնօրեայ Դպրոցի Տնօրէնութիւն եւ Ուսուցչական կազմ, կը պատրաստուինք մեր 2008-2009 (29րդ) Տարեշրջանի վերամուտին՝ Սեպտեմբեր 14, 2008 ին յուսալով որ թեմերը վերակազմակերպումի կ'ենթարկեն Կիրակնօրեայ Դպրոցները եւ ծնողները իրենց զաւակները եւ դպրոցները իրենց աշակերտները կ'առաջնորդեն Կիրակնօրեայ Դպրոց:

Տնօրէնութիւն եւ Ուսուցչական կազմ

## www.sourphagop.org ը՝ թիւերով

Ահաւասիկ www.sourphagop.org ի եզակի այցելուներու եւ այցելութիւններու աճը անցնող վեց տարիներուն ընթացքին:



### 2007 ի Հաշուեցույց

**364,573** զարկեր  
**74,214** այցելութիւններ  
**14,990** Եզակի այցելուներ  
**110** Երկիրներ  
**1,724** Քաղաքներ  
**105,867** Բացուած էջեր  
**15,858** .pdf գրութիւններ  
**11,685** «Մաշտոցի Արձագանգ»ի թիւեր

Երկիր	Այցելութիւն
ԱՄՆ	59,519
Գանատա	5,683
Շուէտ	1,218
Ֆրանսա	839
Թուրքիա	754
Գերմանիա	401
Անգլիա	380
Լեհաստան	289
Հոլանտա	238
Յունաստան	229
Քուէյթ	208
Աւստրալիա	168
Լիբանան	157
Ռուսիա	141
Արաբ. Էմիր.	126
Իրան	122
Հայաստան	117

**ՀԱԿԻՐՃ ՏԵՂԵԿՈՒԹԻՒՆՆԵՐ  
2007-2008 ՏԱՐԵՇՐՋԱՆԻ ՄԱՍԻՆ**

Հայաստանեայց Առաքելական Սուրբ Յակոբ Մայր Եկեղեցույ Կիրակնօրեայ Դպրոցը կը վայելէ եկեղեցույ հոգաբարձութեան հովանաւորութիւնը: Հոգաբարձութեան ներկայացուցիչն էր Պրն. Լեւոն Պոյաճեան:

**28-ամեակ Կիրակնօրեայ Դպրոցին**

2007-2008 տարեշրջանը դպրոցին 28րդ տարեշրջանն է: Կիրակնօրեայ Դպրոցը սկսաւ իր գործունէութիւնները Խաչվերացի Կիրակին՝ Սեպտեմբեր 16, 1980 ին եւ յաջորդական 28րդ տարեշրջանը բոլորեց այս տարի: Իւրաքանչիւր տարեշրջան կը սկսի Խաչվերացի Կիրակին եւ կը տեւէ մինչեւ Յունիսի երկրորդ Կիրակին: Դասաւանդութիւնները տեղի կ'ունենան ամէն Կիրակի Օրերը 10:30-1:00: Այս տարի Դպրոցը ունեցաւ մանկապարտէզի 3, Նախակրթարանի 6 եւ Երկրորդականի 2 դասարաններ:

**15-ամեակ «Մաշտոցի Արձագանգ» ին**

Մեր 2007-2008 տարեշրջանի ընթացքին նաեւ հրատարակեցինք, 15րդ տարին ըլլալով, մեր պարբերաթերթը «Մաշտոցի Արձագանգ»ը ամսական դրութեամբ: «Մաշտոցի Արձագանգ»-ը կը տպուի եւ կը կարդացուի աշխարհի 5 ցամաքամասերուն վրայ: «Մաշտոցի Արձագանգ»-ը PDF ձեւով կը գտնուի համացանցի հետեւեալ էջին վրայ [www.sourphagop.org/mashdots](http://www.sourphagop.org/mashdots) :

**7-ամեակ [www.sourphagop.org](http://www.sourphagop.org) ին**

10 Դեկտեմբեր 2000 ին, Սուրբ Յակոբի տօնին օրը, դպրոցը ունեցաւ իր կայքէջը՝ [www.sourphagop.org](http://www.sourphagop.org): Մեր կայքէջը ունի հետեւեալ բաժինները.  
Ծառու Աւետարան, Church Timeline, Daily Bible, Տօներ, Բառարան, Պարբերաթերթ, Կապեր, Կարծիքդ, Զարգացման Մրցում եւ Խաղեր:

**ԿԱԶՄ**

Կիրակնօրեայ Դպրոցի 2007 – 2008 տարեշրջանի իրենց կամաւոր մասնակցութիւնը կը բերեն հետեւեալները.-

Թամար Գիզիրեան եւ Վերժին Գէպթանճեան  
Դաստիարակներ՝ Մանկապարտէզի Ա. Բ. Գ. եւ Նախ.Ա. կարգերուն

Գարոլ Մանուկեան եւ Յասմիկ Նաճարեան  
Դաստիարակներ՝ Նախակրթարանի Բ. Գ. եւ Դ. կարգերուն

Յասմիկ Գանաճեան՝ Դաստիարակ՝ Նախակրթարանի Ե. եւ Զ. կարգերուն

Շողիկ Նաճարեան՝ Դաստիարակ՝ Երկրորդականի Ա. եւ Բ. կարգերուն

Շաղիկ Պոյաճեան՝ Խմբագիր «Մաշտոցի Արձագանգ» ի

Թորոս Պապիկեան՝ Տնօրէն

Կազմը գումարեց ժողովներ որոնց ընթացքին արձարծուեցան ծրագրային, կարգապահական, արտադասարանային աշխատանքներ եւ այլ նիւթեր:

#### ԱՇԱԿԵՐՏԱԿԱՆ ՎԻՃԱԿ

2007-2008 տարեշրջանին արձանագրուած աշակերտութեան թիւը 53 է, իսկ շաբաթական ներկայութեան միջինն է 35 աշակերտ՝ բաժնուած 11 կարգերու:

#### ԴՊՐՈՑԻ ԱՌՕՐԵԱՆ

2007-2008 տարեշրջանին կիրակնօրեայ դպրոցի առօրեայ յայտագիրը կ'ընթանայ Հայաստանեայց Եկեղեցւոյ Կիրակնօրեայ դպրոցներու դասաւանդական հիմնական կառուցուածքին համաձայն՝ լսարանային եւ դասարանային բաժանումներով, ուր կը դասաւանդուին Ս. գրական, ծիսական, բարոյագիտական եւ գործնական ծանօթութիւններ, գիտելիքներ եւ աղօթքներ:

#### Լսարանային բաժին

Տէրունական աղօթքի, մաղթանքի եւ Կիրակնօրեայ Մաղթերգէն եւք, աշակերտները կը բաժնուին 4 խումբերու:

- Մանկապարտէզի Ա., Բ., Գ. եւ Նախակրթարանի Ա. դասարաններ
- Նախակրթարանի Բ. եւ Գ. եւ Դ. դասարաններ
- Նախակրթարանի Ե. եւ Զ. դասարաններ
- Երկրորդականի Ա. եւ Բ. դասարաններ

Պահը կ'ընթանայ հետեւեալ ձեւով՝

- Ոսկեղէն համարներու կամ Սաղմոսի ուսուցում:
- Բարոյալից պատմուածքներու պատմութիւն:
- Կրօնական երգերու եւ շարականներու ուսուցում:
- Աւետարանի ընթերցում եւ մեկնաբանութիւն:

#### Դասարանային բաժին

Կը դասաւանդուի ըստ դասագիրքերու:

## ՋԵՌՆԱՐԿՆԵՐ ԵՒ ԱՐՏԱԴԱՍԱՐԱՆԱՅԻՆ ԱՇԽԱՏԱՆՔՆԵՐ ԺԱՄԱՆԱԿԱԳՐԱԿԱՆ ՇԱՐՔՈՎ

9 Սեպտեմբեր 2007 Արձանագրություն

16 Սեպտեմբեր 2007 Տարեկիզբ եւ վերամուտ

23 Սեպտեմբեր 2007 Վարժարանի աշակերտությունը մասնակցեցաւ Սուրբ Պատարագի խորհուրդին եւ հաղորդուեցաւ:

14 Հոկտեմբեր 2007 Թարգմանչաց տօնի յատուկ յայտագիր:

30 Դեկտեմբեր 2007 Ամանորի եւ Ս. Ծննդեան զոյգ տօներու հանդիսութիւն, ուր տեղի ունեցաւ աշակերտներուն պատրաստած գեղարուեստական ելոյթը: Հանդիսութիւնը վերջ գտաւ հիւրասիրութեամբ եւ նուէրներու բաշխումով:

3 Փետրուար 2008 Վարդանանց եւ Բարեկենդան տօներու յատուկ տօնակատարութիւն:

Դպրոցը Մեծ Պահքի շրջանին ունի իր աշակերտական պահքի հետեւեալ ժամանակացոյցը:


Փետրուար 4 - 10	Ծամոն
Փետրուար 11 - 17	Հեռառեսիլ, Computer, այլ screen ուլ Խաղեր
Փետրուար 18 – 24	Շաքար
Փետրուար 25 – Մարտ 2	Կազային խմիչքներ (pepsi, 7up, coke, crush)
Մարտ 3 – 9	chocolate
Մարտ 10 –16	chips
Մարտ 17 -22	Հաւկիթ

15 Մարտ 2008 Դպրոցի ուսուցչական կազմը եւ աշակերտներուն մեծ մասը մասնակցեցան մեր Եկեղեցւոյ Գործադիր Մարմնի կողմէ կազմակերպուած նախաԾաղկազարդեան հաւաքոյթին:


16 Մարտ 2008 Դպրոցը փակ էր Ծաղկազարդի առթիւ:

23 Մարտ 2008 Սբ. Զատկուայ յատուկ նշում:

8 Յունիս 2008 Ամաւերջի հանդէս



2007 - 2008 տարեշրջանի իւրաքանչիւր դասարանի արձանագրություն եւ միջին ներկայություն



2007 - 2008 տարեշրջանի իւրաքանչիւր Կիրակի օրուայ ներկայություն



# ՄԱՇՏՈՑԻ ԱՐՁԱԳԱՆԳ

## ԺԵ. Տարի

### Խմբագիր՝ Շաղիկ Պոյաճեան

«ՄԱՇՏՈՑԻ ԱՐՁԱԳԱՆԳ»ի

ներկայ եւ նախկին թիւերը կը գտնուին նաեւ  
համացանցի վրայ:

**[www.sourphagop.org/mashdots](http://www.sourphagop.org/mashdots)** հասցէով

Հայաստանեայց Եկեղեցւոյ Սուրբ Յակոբ  
Կիրակնօրեայ Դպրոցի կամաւոր խմբակը.-

Ուսուցիչներ՝	Թամար Գիզիրեան
	Վերժին Գէպթանճեան
	Յասմիկ Նաճարեան
	Գարու Մանուկեան
	Աշխէն Իշխանեան
	Շողիկ Նաճարեան
	Յասմիկ Գանաճեան
Պարբերաթերթ՝	Շաղիկ Պոյաճեան
Տնօրէն՝	Թորոս Պապիկեան